

GO TLHALOGANYA TIRISO YA DITERASETE MO DITIRONG TSA GO NNA BENG BA DIKGWEBO TSA B-BBEE

Ka ga Buka-Kaelo Eno

Khomishene ya Go Matlafadiwa Seikonomi ga Bantsho ka Kakaretso (Broad-Based Black Economic Empowerment ["B-BBEE"]) ke setlamo se se tlohlweng mme se tsamaisiwa ke Molao wa B-BBEE, o o tlabotsweng, gore se okamele go tsenngwa tirisong sentle ga Molao wa B-BBEE. Buka-kaelo eno e kwadilwe le go phasaladiwa ke Khomishene ya B-BBEE go thusa ka kaelo ya ka fa Diterasete di tshwanetseng go tshwarwa ka gone fa di dirisiwa jaaka tse di thusang batho go nna beng ba dikgwebo gore ba ikobele maikaelelo le dipatlafalo tsa Molao wa B-BBEE.

Terasete ke Eng?

Gantsi terasete e raya thulaganyo e motho, yo gantsi e leng Mosimolodi wa Terasete kgotsa Motsamaisi wa Terasete, a tlhokometseng thoto kgotsa a tshwaretseng mongwe letlotlo lengwe gore motho yoo a solegelwe molemo, yo gantsi a bidiwang gore ke mojaboswa, e bile a ka nna a bo a tshwaretse letlotlo leo mokgatlho mongwe o o thusang batlhoki kgotsa thulaganyetso ya kabo ya boswa, gareng ga mabaka a mangwe. Ka fa tlase ga Molao wa B-BBEE, Terasete e ka dirisediwa go thusa badiri, maloko a baagi kgotsa ditlhopho tse dingwe tse di tshwanang le bone go nna beng ba dikgwebo.

Dipatlafalo tsa go amogelwa ga Diterasete mo dikgwebisanong tsa go nna beng ba kgwebo

Gore go fitlhelelwe maikaelelo a B-BBEE, bantsho ba ka nna le tshwanelo ya go nna beng ba dikgwebo mo setlamo se boemo jwa sone bo tlhatlhobilweng ka tiriso ya Terasete. Go tlhomamisa gore bantsho ba a atlega mo go nneng le ditshwanelo tsa

go nna beng ba dikgwebo tse ba di newang ke Terasete e bile ba a di laola le go thibela mekgwa ya go sa ikobele Molao wa B-BBEE. Melao eno e ama Diterasete le ditumalano tse di amang Dikema tsa Go Nna Beng ba Dikgwebo Tse di Akaretsang Bontsi le Mananeo a Badiri a Go Nna Beng ba Dikgwebo tse di Rulagantsweng ka mokgwa wa Terasete.

Fa Diterasete di kgona go dirisediwa kgono ya go nna mong wa kgwebo, tumalano ya teng e santse e tshwanela go fitlhelela dipatlafalo tsa gore motho a amogesege go ka nna mong wa kgwebo, e e akaretsang tiriso ya ditshwanelo tsa go bouta, morokotso wa ikonomi le boleng jotlhe jo bo tshwerweng ke bantsho ka ntlha ya go tsaya karolo ka tlhamalalo kgotsa ka tsela e e seng ya ka tlhamalalo mo setlamong se boemo jwa sone bo tlhatlhobilweng . Ngwaga le ngwaga, setlamo se boemo jwa sone bo tlhatlhobilweng se ka nna sa amogela dintlha fa fela beng ba dishere ba bantsho ba santse ba na le ditshwanelo tsa go nna beng ba dikgwebo mo setlamong.

Ditsela tsa go tsenya Diterasete mo Tirisong mo Melaong ya B-BBEE ya Melawana ya Maitsholo a a Siameng a Badiri mo Kgwebong Go Dira Dilo ka Tshwanelo

Sekema sa Bantsho ka Kakaretso sa Go Nna Mong wa Kgwebo

Sekema se se Akaretsang Bantsho ka Kakaretso sa Go Nna Mong wa Kgwebo se raya sekema se se akaretsang botlhe sa go nna beng ba kgwebo se se tlhomilweng ka boikaelelo jwa go dira gore go tsaya karolo ka sekema seo kgotsa ka batlhokomedi ba letlole la kabo ya dishere ka tekatekano mo setlamong ga batho ba ba tlwaelegileng fela mo mesoleng e ba nnang le yone, ya go nna beng ba dishere go nne motlhofo, se se ka dirwang ka dikgwebo tsa mo baaging kgotsa tsa stokvel kgotsa tsa setlhopha. Sekema sa go Nna Mong wa Kgwebo se se Akaretsang Bontsi se ka nna sa tlhamiwa gore e nne sa Terasete, mme fa go dirwa jalo, se tla tshwanelwa ke go nna se se tsamaisanang le melao ya Sekema se se Akaretsang Bontsi sa Go Nna Mong wa Kgwebo le Melawana ya Diterasete e go buiwang ka yone mo Melaong ya Go Dira Dilo ka Tshwanelo.

Sekema sa go Nna Mong wa Kgwebo se se Akaretsang Bontsi se tshwanetse go fitlhelela dipatlafalo tse di latelang:

<p><i>Go Tlhophiwa ga Batsamaisi ba Terasete</i></p>	<p>Bobotlana 50% ya batlhokomedisi ba letlole la sekema e tshwanetse go nna batho ba ba ikemetseng ka nosi ba ba sa berekeng kgotsa bao sekema se sa ba solegeleng molemo ka tthamalalo kgotsa ka tsela e e seng ya ka tthamalalo, bobotlana 50% ya batlhokomedisi ba sekema e tshwanetse go bo e le bantsho ba bobotlana ba nang le 25% ya basadi ba Bantsho mme Modulasetulo wa sekema o tshwanetse go bo a ikemetse ka nosi</p>
<p><i>Batsayakarolo ba bantsho le selekanyo sa boswa</i></p>	<p>Molawana wa Karolo 100 o batla gore terasete e tthalose batsayakarolo le selekanyo sa boswa jwa bone gore ba kgone go abelwa morokotso wa ikonomi. Go botlhokwa gore motsayakarolo mongwe le mongwe a itse go sa le gale gore selekanyo sa boswa jwa gagwe se se kana kang, mme fa go balelelwa maduo a B-BBEE, bosupi jwa tuelo bo tla tlhagisiwa. Batsamaisi ba terasete ga ba na thata ya go fetola batsayakarolo le selekanyo sa boswa jwa bone.</p>
	<p>Basolegelwa-molemo ba ka se tlhophiwe ngwaga le ngwaga gore ba newe ditshiamelo tsa bone tsa dipoelomadi go tswa go setlamo se boemo jwa sone bo tthatlhobilweng , go duelela thuto ya bone, katiso kgotsa diporojeke tsa bone tsa tthabololo-loago, e leng dilo tse di tshwanetseng go akarediwa ka fa tlase ga kgwebo ya tthabololo ya dikgono tsa tiro, go thusa loago kgotsa tthabololo ya loago le ikonomi.</p>

<p><i>Dipoelomadi tsa terasete</i></p>	<p>Terasete ke sekema se se akaretsang batho ka kakaretso mme se tshwanetse go ngaparela dipatlafalo tsa dimametlelelo tse pedi tsa 100 (B) le (D). tokomane ya ditumalano e tshwanetse go re naya kaelo ya gore basolegelwa-molemo ba tla newa dipoelomadi jang mme e tshwanetse go tsamaisana le serapa 1.1.7 sa Mametlelelo 100 (B) e e tlhalosang gore 85% ya boleng jwa madi a ditshiamelo a a tsentsweng mo letloleng a tshwanetse go kokotlegela bantsho. Seno se raya gore 15% ya dipoelomadi tse di tsenngwang mo letloleng e ka dirisediwa tsamaiso ya go laola le go dirisa terasete.</p>
<p><i>Dipego tsa ditšhelete tsa sekema</i></p>	<p>Batsamaisi ba terasete ba e leng baemedi ba terasete ba na le boikarabelo jwa go okamela dipego tsa ditšhelete tsa terasete. Ka jalo, boikarabelo jwa bone ke go itsise batsayakarolo ka boemo jwa dipego tse di ntseng jalo ka kopano-kakaretso ya ngwaga le ngwaga ya sekema.</p> <p>Mo godimo ga moo, batsamaisi ba terasete ba tshwanetse go tshwara kopano le bantsho ka boikaelelo jwa go ba baya mo leseding ka boemo jwa diakhaonto tsa terasete. Serapa 1.1.12 sa Mametlelelo 100 (B) se laela gore batlhokomedi ba sekema ba tshwanetse go naya batsayakarolo.</p>

<p>Dipego tsa Ditšhelete tsa sekema</p>	<p>Dipego tsa madi a sekema ngwaga le ngwaga kwa kopanong-kakaretso ya ngwaga le ngwaga ya sekema.</p> <p>Fa terasete e tswalwa kgotsa e khutlisiwa, dishere tsotlhe tse di kokotlegetseng di tshwanetse go fudusediwa go basolegelwa-molemo kgotsa go setlamo se se emelang morokotso wa batsayakarolo kgotsa go setlhopha sa basolegelwa-molemo.</p>
<p><i>Ditokomane tse di laolang sekema</i></p>	<p>Motsayakarolo ope fela o tshwanetse go newa Molaotheo wa sekema fa a o kopa ka puo ya semmuso e motho yoo a e buang.</p>

Lenaneo la Badiri la Go Nna Beng ba Dishere

Lenaneo la Badiri la Go Nna Beng ba Dishere le lebisa go dikai tse mo go tsone badiri ba newang tlhopho ya dishere/setoko/diyuniti mo setlamong se ba se direlang, tse di ka nnang tsa tswa e le tsa mahala kgotsa se mo go sone ba ka rekang dishere/setoko/diyuniti ka phokoletsotlhwatlhwa kgotsa ka tlhwatlhwa-tlase e gantsi e leng thotloetso. Lenaneo la Badiri la Go Nna Beng ba Dishere le ka nna la dirwa gore e nne Terasete, mme fa le dirwa jalo, le tshwanetse go tsamaisana le melao ya Lenaneo la Badiri la Go Nna Beng ba Dishere le ya Diterasete go ya ka fa Melawana ya Maitsholo a a Siameng a Badiri mo Kgwebong e tlhalosang ka gone.

Lenaneo la Badiri la Go Nna Beng ba Dishere le tshwanetse go fitlhelela dipatlafalo tse di latelang:

<p><i>Go tlhomiwa ga batsamaisi ba terasete</i></p>	<p>Ka dinako tsotlhe 50% ya batlhokomedi ba letlole la sekema e tshwanetse go tlhomiwa ke badiri mme seno se tshwanetse go dirwa ka nako yotlhe ya go nna gone ga sekema.</p>
--	---

<p><i>Batsayakarolo ba bantsho le selekanyo sa boswa jwa bone</i></p>	<p>Tokomane ya ditumalano e tshwanetse go tlhalosa tshedimosetso e e amanang le selekanyo sa boswa jwa motsayakarolo mongwe le mongwe wa montsho. Go botlhokwa gore motsayakarolo mongwe le mongwe a itse go sa le gale gore selekanyo sa boswa jwa gagwe se se kana kang, mme ka nako ya tshekatsheko ya go tshwanelega ga setlamo sa B-BBEE, bosupi jwa tuelo bo tla tshwanelwa ke go tlhagisiwa. Batsamaisi ba terasete ga ba na thata ya go fetola batsayakarolo le selekanyo sa boswa jwa bone.</p>
<p><i>Dipoelomadi tsa terasete</i></p>	<p>Terasete e e tlhomilweng jaaka sekema sa badiri sa go nna beng ba dishere, se tshwanetse go tsamaisana le dipatlafalo tsa Mametlelelo 100 (C) le (D) ya Molao wa Karolo 100 mme tokomane ya ditumalano le yone e tshwanetse go thusa ka kaelo ya gore basolegelwa-molemo ba tla amogela dipoelomadi jang.</p>

<p><i>Dipego tsa ditšhelete tsa sekema</i></p>	<p>Batsamaisi ba terasete jaaka baemedi ba terasete ba na le boikarabelo jwa go okamela dipego tsa ditšhelete tsa terasete. Ka jalo, boikarabelo jwa bone ke go itsise batsayakarolo ka boemo jwa dipego tseo ngwaga le ngwaga ka go tshwara dikopano. Tokomane ya ditumalano e laela gore batsamaisi ba terasete ba tla tshwara kopano le batsayakarolo ba bantsho ka boikaelelo jwa go ba baya mo leseding ka boemo jwa diakhaonto tsa terasete. Serapa 2.5.4 sa Mametlelelo 100 (C) se laela gore batlhokamedi ba sekema ba tshwanetse go naya batsayakarolo dipego tsa ditšhelete ngwaga le ngwaga kwa kopanong-kakaretso ya ngwaga le ngwaga.</p>
<p><i>Go tsaya karolo ga batsayakarolo ba Bantsho kwa botong ya Setlamo se boemo jwa sone bo tlhatlhobilweng</i></p>	<p>Go ya ka serapa 2.5.2 sa Mametlelelo 100 (C), batsayakarolo ba tshwanetse go tsaya karolo mo go laoleng sekema ka maemo a a tshwanang le ao taolo e beng ba dishere mo setlamong se ba nang le dishere mo go sone ba laolang ka one. Basolegelwa-molemo ba ba emelwang ke batsamaisi ba terasete, basolegelwa-molemo ba tshwanetse gore ba kgone</p>

	<p>go tsaya karolo mo go direng ditshwetso tse di dirwang ke beng ba bangwe ba dishere mo dikopanong ka go tsaya karolo mo botong le go dirisa ditshwanelo tsa go bouta.</p> <p>Fa terasete e tswalwa kgotsa e khutlisiwa, morokotso otlhe wa Madi a a kokotlegetseng o tshwanetse go fudusediwa go basolegelwa-molemo kgotsa go setlamo se se emelang morokotso wa batsayakarolo kgotsa setlhopha sa basolegelwa-molemo. Mo godimo ga moo, sekema sa badiri sa go nna beng ba dishere ke mofuta wa go nna beng ba dishere mme ga o a tshwanela go tlhakangwa le ditiro tsa letsatsi le letsatsi tsa setlamo mme dikgang tsa sone tsa dikamano le badiri di ne tsa tloswa, se mo go sone badiri ba ba lelekilweng, ba ba kgaotsweng mo tirong, ba ba tlhokafetseng le ba ba nang le bogole ba ba feleletsang ba latlhegelwa ke dishere/diyuniti ka gonne dikonteraka tsa bone tsa tiro le melawana ga di amane le dishere tsa bone mme ka jalo ga di a tshwanela go go tsenngwa tirisong.</p>
<p><i>Ditokomane tse di laolang sekema</i></p>	<p>Motsayakarolo ope fela o tshwanetse go newa Molaotheo wa sekema fa a o kopa ka puo ya semmuso e motho yoo a e buang.</p>

Diterasete

Fa go nna ga bone beng ba dishere go dirilwe ka Terasete, go sa kgathalesege gore a Terasete e e ntseng jalo ke Sekema sa go Nna Mong wa Dishere ga Bantsho ka Kakaretso, Lenaneo la Badiri la Go Nna Beng ba Dishere, kgotsa ke Terasete fela e e tlwaelegileng, Terasete e tshwanetse go tsamaisana le Melao ya Terasete e e kwadilweng mo Melawaneng ya Maitsholo a a Siameng a Badiri mo Kgwebong. Seno se raya gore Terasete e e tlhomilweng jaaka Sekema sa go Nna Mong wa Dishere ga Bantsho ka Kakaretso kgotsa Lenaneo la Badiri la Go Nna beng ba Dishere le tshwanetse go tsamaisana le melao ya Diterasete mme mo godimo ga moo, melao ya Sekema sa Go Nna Mong wa Dishere ga Batsho ka Kakaretso kgotsa Lenaneo la Badiri la Go Nna beng ba Dishere go ya ka gore maemo ke afe.

Ditshwanelego tsa go amogelesega ga Diterasete di ka mokgwa o o latelang:

- Tokomane ya Ditumalano e tshwanetse go tlhalosa basolegelwa-molemobasolegelwa-molemo le selekanyo sa boswa jwa bone gore ba amogele dipoelomadi:
- rekoto e e kwadilweng ya maina a basolegelwa-molemobasolegelwa-molemo kgotsa go dirisa setlhopha sa batho ba ba tlhalositsweng ba maemo a a tlwaelegileng fela go fitlhelela dipatlafalo tsa go tlhaolwa ga bone;
- rekoto e e kwadilweng ya diperesente tse di tlhomilweng tsa boswa kgotsa tiriso ya fomula ya go balelela selekanyo sa boswa e fitlhelela patlafalo ya go lekanyetsa selekanyo sa madi a ditshiamelo;
- Batsamaisi ga ba a tshwanela go nna le thata epe ya go fetola melawana e e fa godimo; mme
- fa terasete e tswalwa kgotsa e khutlisiwa, morokotso otlhe wa Madi a a kokotlegetseng a tshwanetse go fudusediwa go basolegelwa-molemobasolegelwa-molemo kgotsa go setlamo se se emelang morokotso wa batsayakarolo kgotsa setlhopha sa basolegelwa-molemobasolegelwa-molemo.

Diterasete tsa Lelapa

Mo godimo ga moo, Melao ya Go Dira Dilo ka Tshwanelo e letla gore diterasete tsa lelapa di tlhomiwe le go amogelwa gore di kgontshe batho go nna beng ba dishere.

Gore Terasete ya lelapa e newe boemo jwa B-BBEE, tokomane ya ditumalano e tshwanetse go tthalosa basolegelwa-molemobasolegelwa-molemo le selekanyo sa boswa jwa bone gore ba amogele dipoelomadi. Rekoto e e kwadilweng ya maina a basolegelwa-molemo kgotsa tiriso ya setlhopha se se tthalositsweng sa motho wa maemo a a tlwaelegileng fela se fitlhelela dipatlafalo tsa go tthalosa basolegelwa-molemo; batsamaisi ba terasete ke bone fela ba nang le thata ya go fetola ditiro le melawana ya diterasete. Fa terasete e tswalwa kgotsa e khutlisiwa, morokotso otlhe wa Madi a a kokotlegetseng a tshwanetse go fudusediwa go basolegelwa-molemo kgotsa go setlamo se se emelang morokotso wa batsayakarolo kgotsa setlhopha sa basolegelwa-molemo.

<p><i>Tshwanelego ya Go Amogelwa ga Diterasete Tsa Lelapa</i></p>	<p>Tokomane ya ditumalano e tshwanetse go tthalosa basolegelwa-molemo le selekanyo sa boswa jwa bone jwa go amogela dipoelomadi; rekoto e e kwadilweng ya maina a basolegelwa-molemo kgotsa tiriso ya setlhopha se se tthalositsweng sa batho ba maemo a a tlwaelegileng fela e e fitlhelang dipatlafalo tsa go tthalosa basolegelwa-molemo; tiriso ya fomula ya go balelela selekanyo sa boswa e fitlhelela dipatlafalo tsa go tthalosa selekanyo sa madi a ditshiamelo.</p> <p>Batsamaisi ba terasete ke bone fela ba tshwanetseng go nna le thata ya go fetola dilo tse di builweng fa godimo; mme Fa terasete e tswalwa kgotsa e khutlisiwa, morokotso otlhe wa Madi a a kokotlegetseng a tshwanetse go fudusediwa go basolegelwa-molemo kgotsa go setlamo se se emelang</p>
--	--

	morokotso wa batsayakarolo kgotsa setlhopha sa basolegelwa-molemo.
<i>Ditokomane tse di laolang sekema</i>	Setlamo se boemo jwa sone bo tlhatlhobilweng se tshwanetse go bo se na le setefikeiti se se ntshitsweng ke motho yo o nang le bokgoni se se bontshang gore Terasete e ne ya bulelwa lebaka le le utlwalang la kgwebo le le tshwanetseng go senolwa ka botlalo; le gore melawana ya Terasete ga e na boikaelelo jwa go tlola ditaello tsa Melawana le tsa Molao.

Le fa go ntse jalo, go a tlhokega ka dinako tsotlhe go dira pharologano fa gare ga Terasete ya thulaganyetso ya kabo ya boswa le/kgotsa go tla go duela lekgetho la dithoto tsa boswa, le terasete e e buletsweng maikaelelo a B-BBEE gore lone le fitlhelele dipatlafalo tsa Mametlelelo 100.

Diterasete tseno ga di a tshwanela go dirisiwa jaaka dilo tsa thotloetso ya dipeeletsomadi ya go solegela basolegelwa-molemo molemo kgotsa go tshwara basolegelwa-molemo ka tsela ya go letlelela sengwe le sengwe se se sa tshwanelang, mo boemong jwa go ba letla go tsaya karolo ka tlhagafalo jaaka bantsho go ya ka Molawana wa Karolo 100 go sa kgathalesege gore a setlamo se tshwere dishere ka tlhagafalo kgotsa ka tsela e e seng ya ka tlhamalalo.

Bana jaaka basolegelwa-molemo kgotsa batsayakarolo

Mo godimo ga moo, re ela tlhoko gore bana ba bantsho ba tshwanela tlhaloso ya batho bantsho go ya ka Molao wa B-BBEE, le fa go ntse jalo, seno ga se reye gore go matlafadiwa ga mmatota go ka fitlhelelwa ka dikai tse mo go tsone bana ba umakiwang gore ke basolegelwa-molemo. Batsayakarolo ba ba ntseng jalo ba lejwa e le basolegelwa-molemo ba madi fela mme e seng bao e leng bana-le-seabe ba e seng ba ka tlhamalalo ba nang le dishere ka terasete, ka gonne ga ba kgone go dirisa ditshwanelo tsa go bouta ka mokgwa o o tshwanang le wa fa motho e le mong

wa kgwebo, mme ba ipelela mesola ya go nna le madi fela.

Boikaelelo jwa go nna beng ba dishere tsa B-BBEE ke go fetola mekgwa ya go nna beng ba dishere mo kgwebong, ka go tlhama kitso le morokotso wa madi, e bile ga go na ka fa B-BBEE e ka akofisiwang ka gone ka go balwa ga bana ba bantsho, ka gone ga ba na kgono ya go tsaya dikgato tsa semolao, mme ka jalo ga ba ka ke ba kgona go tlhoma baemedi, ka jalo ga ba kgone go nna le ditshwanelo tsa go bouta jaaka nngwe ya dipatlafalo tsa botlhokwa tsa go nna beng ba dishere. Ka jalo, go balela bana ba ba santseng ba le banye jaaka basolegelwa-molemo go tla lejwa e le go itlhokomolosa Molao wa B-BBEE ka gone ga ba na bokgoni jwa go diragatsa ditshwanelo tsa bone tsa go bouta tsa go bo motho e le mongwe wa dishere.

Konelo

Fa ditlamo tse boemo jwa tsone bo tlhatlhobilweng di bula Diterasete tse di itlhokomolosang Molao wa B-BBEE, ka sekai, ka go bula matlole a leruri a a senang poelo epe ya dishere, go fudusetsa ditshwanelo tsa go bouta tsa batsayakarolo kwa setlamong se boemo jwa sone bo tlhatlhobilweng kgotsa kwa baemeding ba ba tlhomilweng ba sone, go lekanyetsa go tsaya karolo ga basolegelwa-molemo ka tlhagafalo mo setlamong se boemo jwa sone bo tlhatlhobilweng ka Batsamaisi ba Terasete kgotsa batlhokomedi ba ba maleba ba yone, e tla nna tiro ya bonweenwee le go senya leina la B-BBEE leo Diterasete tsa tsone e leng tse go baleletsweng dintlha tsa tsone tsa B-BBEE kgotsa di kaiwang e le dishere tsa mmatota tsa batho bantsho.

Mo godimo ga moo, go na le pharologano e e bonalang sentle fa gare ga Diterasete tse di buletsweng dilo tse di tshwanang le diporojeke mo baaging kgotsa tsa tlhabololo ya dikgono-tiro kgotsa tsa madi a ditshiamelo a go tsoga sentle ga badiri, go sa kgathalesege gore Diterasete tseo di mosola go le go kana kang, ga di ka ke tsa amogelelwa boikaelelo jwa dishere ka gone e se tsa dishere e bile e se tsa go tlhomelela bantsho. Diterasete tse di ntseng jalo di amogelesega ka fa tlase ga Melao e e maleba ya Melawana ya Maitsholo a a Siameng a Badiri mo Kgwebong, mme go di tsenya ka fa tlase ga thulaganyo ya go nna beng ba dishere tsa tsone ke go tlola Molao wa maikaelelo a Molao wa B-BBEE mme seno e tla nna tiro ya bonweenwee le/kgotsa go senya B-BBEE leina.

Fa Diterasete di bulwa ka tshwanelo, di nna le kgono ya go tsewedisetsa pele ikonomi jaaka fa di oketsa palo ya bantsho ba e leng beng ba matlotlo a a ungwang le ditlamo mo nageng ya rona. Seno se tla thusa go godisa palo ya beng ba dishere ka fa go ikaeletsweng ka gone mo Molaong wa B-BBEE.

Kafa o ka ikgolaganyang le rona ka gone:

Campus, 77 Meinties street, Sunnyside, Pretoria, Gauteng, 0002

Tel: (+27) 12 394 1535, Fekese +27 (12) 394 2535

Private Bag X84, Pretoria, Gauteng, 0001

Imeile: MRamare@beecommission.gov.za

the dtic Postal

Address Private Bag

X84 Pretoria

0144

Tel: (+27) 12 394 1535

Imeile: MRamare@beecommission.gov.za

the dtic customer Contact centre: 0861 843

384 Website: www.bbbeeecommission.co.za